

В СРЕДУ 3-Й СЕДМИЦЫ ПО ПАСХЕ

Во вторник 3 седмицы вечера,

На Господи воззвах, стихиры праздника 3, глас 2-й:

Подобен: Егда от Древа:

Радуются ученицы Христовы, от ангела глаголы слышаша, отонудуже Воскресение нас ради в мертвых вменившася навькают. Аще и прежде мирносицы гробу предсташа, и рыдающе о Христе, камень узревше внезапно отвален, егоже недоумевахуся преложению.

Непрестающую и божественную радость подающа, божественным и священным учеником явишася, ученицы мирносицы Христовы, исполнивша повеление Божественнаго ангела. Егоже ужасошася белоносныя одежды, глаголюща: пленен бысть ад всеспасительным Воскресением нас ради умершаго Царя.

Струи от слезнаго источника, рыдание испутивша, божественныя Христовы ученицы, глаголы радостныя приношают ныне самовидцем благодати, возвещающе сим Слова востание, и яже из гроба радость. Темже вместо печали слышаху глас преславно, сим еже радуйтеся повелевающ.

И Миней 3. Слава, и ныне, глас 6-й:

Мирносицы жены, гроба Твоего достигша, и печати гробныя видевши, не обретша же пречистаго тела Твоего, рыдающа со тцанием приидоша, глаголюща: кто украде наше упование? кто взят мертв нага смирною помазана, Матери едино утешение? О како мертвыя ожививый умертвися? ад пленивый, како погробеся? Но воскресни Спасе самовластно, якоже рекл еси, тридневен, спасаяй души наша.

Таже, Свете тихий:

На стиховне стихиры воскресны, глас 2-й:

Спаси мя Христе Спасе силою Крестною, спасый Петра в мори, и помилуй мя Боже.

Стих: К Тебе возведох очи мои:

Со архангелы воспоим Христово Воскресение: Той бо есть Избавитель и Спас душ наших, и в славе страшней и крепцей силе, паки грядет судити миру, егоже созда.

Стих: Помилуй нас Господи, помилуй нас:

Мученичен: Лицы мученичестии сопротивишася мучителем, глаголюще: мы воинствуем Царю сил, аще и огню и мукам предасте нас, не отменяемъ Троицкия силы.

Слава, и ныне: глас 6-й:

Проси Иосиф тело Иисусово, и положи е в новом своем гробе: подобаше бо Ему из гроба, яко от чертога проити. Сокрушивый державу смерти, и отверзый врата райская человеком, Господи слава Тебе.

Таже, Ныне отпуцаеши: **Трисвятое. Тропар, глас 2-й:**

Благообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай миру велию милость.

Слава: глас тойже.

Егда снизшел еси к смерти, животе безсмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

И ныне: глас тойже.

Мироносицам женам, при гробе представ ангел вопияше: мира мертвым суть прилична, Христос же исления явися чуждь. Но возопийте: воскресе Господь, подай миру велию милость.

Аще ли имать святыи тропарь, глаголем прежде тропарь: Благообразный Иосиф: Слава: святого: И ныне: Мироносицам женам: [Тропарь: Благообразный Иосиф: и тропарь воскресен: Егда снизшел еси к смерти: в вечер глаголем их прменяюще, во всю седмицу.

И отпуст.

В СРЕДУ 3-Й СЕДМИЦЫ ПО ПАСХЕ
В СРЕДУ ТРЕТИЯ НЕДЕЛИ ПО ПАСЦЕ НА УТРЕНИ,

Начало обычное, якоже указася в понедельник вторья седмицы по Пасце.

На **Б**ог Господь: тропарь, глас 2-й:

Благообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай миру велию милость. [Дважды].

Слава: глас тойже.

Егда снишел еси к смерти, животе безсмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

И ныне: глас тойже.

Мироносицам женам, при гробе представ ангел вопияше: мира мертвым суть прилична, Христос же истления явился чуждь. Но возопийте: воскресе Господь, подай миру велию милость.

[Аще есть тропарь святого, глаголем тропарь прежде: Благообразный Иосиф: единожды. И тропарь: Егда снишел еси: единожды. Слава: святого: И ныне: Мироносицам женам:]

По 1-м стихословии, седален, глас 2-й:

Спасение соделал еси посреде земли Христе Боже, на Кресте пречистей руце Твои простерл еси, собирая вся языки зовущия: Господи слава Тебе.

Стих: Воскресни Господи Боже мой:

Воскрес из гроба, и узы растерзал еси ада, разрушил еси осуждение смерти Господи, вся от сетей врага избавивый: явивый же Себе апостолом Твоим, послал еси я на проповедь, и теми мир Твой подал еси всей вселенней, едине Многомилостиве.

Стих: Дивен Бог во святых Своих, Бог Израилев.

Мученичен: Стратотерпцы Господни, блаженна земля напившаяся кровьюми вашими, и свята селения приемшая телеса вапа: в подвизе бо врага победисте, и Христа со дерзновением проповедаете. Того яко Блага молитесь, спаситесь, молимся душам нашим.

Слава и ныне: Крестобогородичен:

Предстоящи Кресту Твоему безсеменно Рождшая Тя, и не терпящи видети неправедно страждуща, рыдаше с плачем, и вопияше Тебе: како страждещи естеством безстрастный, сладчайший Сыне? Воспеваю Твою крайнюю благостыню.

По 2-м стихословии, седален, глас 2-й:

Подобен: Благоутробия:

Ко гробу Твоему Спасе, честныя мироносицы пришедша, Владыку помазавшия миры, яко Человека Тя мняху: ангел же им радость возвести, воскресе Господь. Тем и проповедите апостолом, из гроба воистинну страшное Его Воскресение.

Слава, и ныне: тойже.

Воскресение Христово: и псалом 50. Канон праздника, со ирмосы на 8, и Минеи на 4: кондак, и ексапостиларий праздника.

Песнь 1. Глас 2-й:

Ирмос: Моисейскую песнь восприимши, возопий душе: Помощник и Покровитель бысть мне во спасение, Сей мой Бог, и прославлю Его.

Распялся еси плотию, безстрастный естеством Отчим: прободен был еси в ребра, источивый миру кровь и воду: Ты Бог наш, и прославляем Тя.

Крест Твой почитаю, и погребение славлю Блаже, и пою, и поклоняюся востанию Твоему, и взываю: Ты Бог наш, и прославляем Тя.

Аще и вкусил еси желчи, сладосте церковная, но источил еси нам нетление от ребр Твоих: Ты Бог наш, и прославляем Тя.

Вменился еси Спасе с мертвыми, мертвья воздвигнувый, вкусил еси тли: истления бо всяко не познал еси: Ты Бог наш, и прославляем Тя.

Да веселится Сион, да радуется и небо, воскресе Христос, мертвья воздвигнувый, песнословящия: Ты Бог наш, и прославляем Тя.

Плащаницами обвив Иосиф тело Твое Христе, во гробе нове положи Ты спасение: Ты же мертвья яко Бог воскресил еси.

Слава: Всесвятая Троице, едино Божество, безначальная Единице, Отче и Сыне и Божественный Душе, спасай мир: Ты Бог наш, и прославляем Тя.

И ныне: Древнюю клятву разрешивши Чистая, во утробе Твоей возрастила еси нам благословение, Младенца родивши: Сей бо Бог, аще и плоть носит.

И святого Минея на 4.

Песнь 3.

Ирмос: Неподростовавший мой ум, плодоносен Боже покажи ми, делателю добрых насадителю благих, благоутробием Твоим.

Длани на Кресте простерл еси Иисусе, языки вся от прелести собрав, к познанию Твоему созвал еси Спасе.

Иудейстии людие Пилату вопиют: отпусти нам злодейственного разбойника, возми, возми распни Безгрешнаго.

Распеншуся Тебе Христе, помрачися свет, земля потрясется, и из гробов мертвии восташи мнози, страхом державы Твоея.

Предстоящи Кресту Агница Твоя Иисусе, плачем вопияше: камо идеши Сыне? камо грядеши Агнче, за всех заклавыйся?

Поклоняюся Твоему Кресту, воспеваю и погребение, почитаю страсти, и гвоздя руку, и копие Иисусе, и Воскресение Твое.

Воскресл еси Иисусе, пленен бысть враг, Адам избавися, и Ева с ним от уз и тли, Воскресением Твоим.

Слава: Со Отцем и Сыну и Духу Правому, единому Естеству поклоняюся и воспеваю, Лицы разделяя, и Существом соединяя.

И ныне Богородичен: Блаженна еси Чистая, из корене Иессеова сущая, из негоже жезл и цвет Христа, по плоти нас ради возрастившая.

И святого Минея на 4.

По 3-й песни, седален и кондак святого.

Песнь 4.

Ирмос: Еже от Девы Твое рождество пророк предзря, воспроповедаше вопия: слух Твой услышах, и убохся, яко от юга и из горы святых приосененных пришел еси Христе.

Крестом пленил еси адово чрево, и совоздвигл еси мертвья, и смерти разрушил еси мучительство: темже иже от Адама поклоняющияся, поем погребение Твое и востание Христе.

Благоволивый Спасе наш, за благоутробие милости пригвоздитися на Кресте, и от праотчия избавити ны клятвы, разреши узы многих моих согрешений: можеши бо, елика хочещи творити.

На Кресте пригвоздивый мою древнюю клятву, и источивый мне Спасе, благословение кровию от ребр Твоих, разреши узы многих моих согрешений: можеши бо, елика хочещи, творити.

Ад Спасе, срет Тя в преисподних, огорчися помышляя, яко яже древле пожрети возмогий, ныне неволею отдав, истязуется в дольних, и пленяемь и обнажаемь бывает мертвых.

Аще и камень запечатася с кустодиєю, о беззаконнии врази, но воскресе Господь, якоже прорече, разрешая узы многих моих согрешений: может бо, елика хочет, творити.

Воскресый из гроба, и пленивый ада, и ожививый мертвья, и нетление источивый мне Твоим востанием, разреши узы многих моих согрешений: можеши бо, елика хочещи, творити.

Слава: Пресушного Божества нераздельную славу, кто возможет изрещи? Едино бо Естеством сущи Троица поется безначальная, срасленная яко Единица, в Троице певаемая Ипостасьми простыми.

И ныне, Богородичен: Во чрево Твое всельшагося безмужно рождающая Мати Дево Чистая, непрестанно моли яко Богородица, разрешити узы многих моих согрешений: можеша бо, елика хоцеша помощи.

И святого Минея на 4.

Песнь 5.

Ирмос: Мглу души моя Спасе мой разгнав светом заповедей Твоих озари мя, яко един Царь мира.

Ты первую одежду мою, юже ми истка, увы мне, сеятель греха, совлекл еси Спасе мой, облекся в мя.

Листвие смоковное сщи мне грех мой, увы мне, не сохраншему, Спасе мой, пречистую заповедь Твою, змиинным советом.

Уязвившуюся душу мою разбойническими помышленьми моими, представый иже от Марии, и елей возлив, исцели Христос.

У Креста предстоящи Пречистая Богородица, матерски взываше: оставил Мя еси едину, о Сыне Мой и Боже!

Ты злоначального змия оружием Креста Твоего низложив, Твоим востанием, сокрушил еси жало смерти Иисусе.

Где твое, смерти, жало? где твоя, аде, победа? Адам да своиет: сокрушился

Слава: Тебе Богу и Отцу, и Сыну, и Духу покланяюся, трем Ипостасем, и едино три верую, Существом единым.

И ныне, Богородичен: Тя безсеменным Рождеством родившую паче естества обновившаго естество, Христа единого Владыку воспеваем вернии.

И святого Минея на 4.

Песнь 6.

Ирмос: Во глубине греховней содержимь есмь Спасе, и в пучине житейстей обуреваемь: но якоже Иону от зверя, и мене от страстей возведи, и спаси мя.

Мертв есть ад, дерзайте земнороднии, Христос бо на Древе висий, верже оружие нань, и лежит мертв: яже бо имяше, пленися обнажився.

Пленися ад, дерзайте мертвии, и гроби отверзошася, встаните от ада, вопиет вам Христос, вся пришедый избавити от смерти и тли.

Мертвья якоже возмог пожерл еси иногда, ныне истязуемь аде, отдаждь Ми, вопиет тебе Жизнодавец и Бог, вся пришедый избавити от несытаго твоего чрева.

Жены мироносицы, что тщитесь прочее? что же живому миру приносите, воскресе Христос, якоже предрече. Да престанут ваща слезы, прешедшия на радость.

Плащаницею Тя Христе обвив Иосиф благообразный, во гробе положи: миропомазав же разоренный Твоего телесе храм, привали камень великий ко гробу.

Господь воскресе пленивый врага, и узники исторгнув, возведе вся, и первозданного Адама, того возставляя, яко Благоутробен и Человеколюбец Бог.

Слава: Троицу во Единстве воспоим вернии, с Сыном Отца славяще, и Духа единосущна Сыну, и суца во Отце собезначального и присносущного Бога.

И ныне, Богородичен: Во чреве неводеланно зачала еси Чистая, нетления грозд, яко лоза: из неяже безсмертия токи, якоже вино нам источают вечную жизнь.

И святого Минея на 4.

По 6-й песни кондак празднику: глас 2-й:

Радоватися мироносицам повелел еси, плач праматере Евы утолил еси Воскресением Твоим Христе Боже, апостолом же Твоим проповедати повелел еси: Спас воскресе от гроба.

Икос:

На гроб Твой Спасе мироносицы идущия, к себе недоумевахуся умом, и вещаху: кто нам камень отвалит гробный? И возревша видят, яко камень отвален бе, зраку же ангелову со одеянием дивляхуся: содержими же бяху трепетом, и бежати помышляху. и к ним юноша возопи: не бойтесь вы, Егоже ищите воста, приидите, видите место, идеже лежаше тело Иисусово, и скоро шедшия возвестите учеником: Спас воскресе от гроба.

Песнь 7.

Ирмос: Херувимы подражающе отроцы в пещи ликовствоваху, вопиюще: благословен еси Боже, яко истиною и судом навел еси сия вся, грех ради наших: препетый и препрославленный во вся веки.

Ты яко Человеколюбец, хотяй вся спасти от прелести, яже создал еси, претерпел еси пригвоздиться на Кресте: да погребенный образ страстьми, сей плотию Твоею обновиши Спасе, и ад низложив, воскресил еси и умершия с Собою.

На Кресте возвышаемь, вся призвал еси к Себе Щедре, якоже обещал еси Блаже: яко воистинну вся сия грехов ради наших пострадати благоволил еси. Темже и разбойнику райская врата отверзла еси Спасе.

Ты храм телесный воздвигл еси разоренный, тридневно из гроба, якоже обещал еси Блаже: да воистинну скажешли славу Твою, юже нам источаешли верою, узы разрешив, ихже держаше древле ад связанных.

О иудейское безумие! о неистовство беззаконных! Что неверное видевшие, не веровали Христу? яко немощныя, не словом ли воздвиже? Или яко весь мир Той не спасе ли, да уверяют вас поне воины, или воскресшие из мертвых.

О мертвевшийи стражие ныне да глаголют, како украден бысть, Егоже не видела неразумнии всегда? Аще бо воскресла не видела, ни ощутиша, како украдена Сего разумети можаху когда? Да уверит вы поне камень сей, и погребальная Христова.

Что яко мертвыя блюдете? что печати на камени положили еврею, страхом боящися крадения? Се воистинну гроб запечатлесе: како убо воскресе, аще не бы Бог был Христос? Да уверяют вы воскресшийи, и видени бывшийи многими.

Слава: Со Отцем славим Сына, и Духа Святаго, вопиюще непрестанным гласом: Троице единственное Существо, помилуй, спаси вся, в трех Лицах Единице ущедри ны, препрославленный Боже во веки.

И ныне, Богородичен: Во чреве Твоем Пречистая, како вместила еси Младенца, Егоже трепещут силы ангельския яко Бога? Разве якоже восхоте, якоже весть вселися, вся спасти хотяй от Адама земнородныя, разрешивый Адама клятвы оныя, снедию горькою.

И святаго Минея на 4.

Песнь 8.

Ирмос: В купине Моисею Девы чудо, на Синайстей горе, прообразившаго иногда пойте, благословите и превозносите во вся веки.

Солнечныя зари спрятахуся страхом Христовых страданий, и востаяху мертвии, и горы прекланяхуся, и колебашесе земля, и ад обнажашесе.

В пещи суции иногда треблаженнии отроцы возвышающе руки, проображаху Блаже пречестный Крест Твой, имже низложил еси Христе вражию силу.

О иудее слепии прелестницы и преступницы, Христову Воскресению неверующии, яко ложному: что неверное видите, яко воскресе Христос, мертвыя воздвигий?

О иудее врази, аще и нам не веруете, ваша воины вы вопросите, что пострадала они? Кто отваливый руками камень от гроба?

Кто просветивый слепцы, и прокаженных очистивый, и хромья исправивый, и пеществовавший море немощно яко сушу, аще не Христос Бог, мертвыя воздвигнувший?

Кто воздвигнувший мертвыя четверодневна из гроба, вдовича сына? кто стягнувший яко Бог разслаблена на одре, аще не Христос Бог, мертвыя воздвигнувший?

Благословим Отца, и Сына, и Святаго Духа Господа.

Со Отцем Сына, и Духа Святаго Святыю Троицу в Божестве едином прославляем, вопиюще: Свят, Свят, Свят еси во веки.

И ныне, Богородичен: Во чреве Твоем Чистая, присноживотный хлеб, смешенный несмесо, смешением нашим, родила еси непреложно единого Христа Бога во двою существу.

И святаго Минея на 4.

Поем Честнейшую:

Песнь 9.

Ирмос: Преестественно плотию заченшую во чреве, от Отца безлетно предвозсиявшее Слово, в песнях немолчных величаем вернии.

Иже на Кресте разбойника познавши Тя Бога, наследника соделал еси мысленному раю, еже помяни мя вопиюща, Всесильне Спасе.

Заушен нас ради, и оплеван был еси Иисусе от беззаконников, скрижали закона начертавый в Синаи, угоднику Моисею.

Оцта и желчи Спасе, напоен был еси нас ради, давший нам тело и честную кровь, в снедь же и питье вечныя Твояя жизни.

В животворная ребра копием прободен быв Христе, пречистую Твою кровь, и честную воду источил еси миру, яко присноживотный источник.

Вменился еси в мертвых, оживлей мертвыя: во гробе положен еси, истощивый гробы: пленил еси ад, воскресив Адама.

Воскресл еси Иисусе, связан бысть враг, пленился ад, испразднишася гроби, восташа дольнии, покланяющиеся Тебе Христе.

Слава: Безначален еси Отче, несозданен еси Сыне, сопрестолен и Душе Святой, едино [Сия три] Естеством, и три Лицы, едине Боже истинный.

И ныне, Богородичен: Да веселится Иессей, да ликовствует и Давид: се бо Дева Богорасленный жезл прозябе, цвет присноживотный Христа.

И святаго Минея на 4.

Катавасия: Светися, светися

Ексапостиларий мироносицам:

Жены услышите глас радования: мучителя ада поправый, от тли мир воздвиже, тецыте, другом рцыте Моим благовестия: хощу бо создание Свое радостию озарити, отонудуже прииде печаль. [Дважды.]

Слава и ныне, тойже.

На хвалитех поставим стихи 4. И поем настояция стихиры, глас 2-й:

Волею обнищав ницетою Адамлею Христе Боже, пришел еси на землю от Девы воплощя, и Крест восприял еси, да нас свободиши от работы вражия: Господи слава Тебе. [Дважды.]

Радуйтесь людие и веселитесь, ангел седяй на камени гробнем, той нам благовести, рек: Христос воскресе из мертвых, Спас мира, и исполни всяческая благоухания: радуйтесь людие и веселитесь.

Мученичен: Святых Твоих множества молят Тя Христе, помилуй нас яко Человеколюбец.

Слава, и ныне: глас 1:

Со страхом приидоша жены на гроб, ароматы тело Твое помазати тщанияся: и сие не обретше, недоумевахуся друга ко друзей, не ведуще Воскресения. Но предста им ангел, и рече: воскресе Христос, даруяй нам велию милость.

Таже: Слава Тебе показавшему нам свет:

И ектения: Исполним утреннюю молитву нашу:

На стиховне стихиры, глас 2.

Подобен: Егда от Древа:

Убо в мертвых ли Избавитель? * рыданными мироносицы вопияху, * Христовы ученицы. * Солнце же превелие даже и до днесь под землею ли, * или воскресе, якоже рече? * И сице плачущим, от гроба ангел * Божественную воистинну радость рече: * Христос воскресе, тецыте, проповедите всем, ** Его из гроба Божественное Воскресение.

Стих: Благоволил еси Господи землю Твою, * возвратил еси плен Иаковль.

Мира уготоваша честная, * еще тме сущей во едину от суббот, * приидоша на гроб Твой * мироносицы Христе, * еже помазати пречистое и Божественное Твое тело. * Темже Воскресение уведевша Твое, * потщяхуся возвестити и таинником: * ихже предсрет из гроба, ** радуйтесь, возопил еси человеколюбнейше.

Стих: Милость и истина сретостеся, * правда и мир облобызастася.

Вышняго Бога * на земли погребена, * яко мертва помазати тщатся Его ученицы, * ароматы честными: * и во гробе седяща нова юношу, * видеvша в блистающем зраце, ужасошася. * Темже Слова * из гроба востание тридневное уведевша, ** и апостолом возвещаху.

Слава, и ныне, глас 5:

Тебе одеющагося светом яко ризою снем Иосиф с Древа с Никодимом, и видеv мертва нага непогребена, благосердный плач восприим, рыдая глаголаше: увы мне сладчайший Иисусе, Егже вмале солнце на Кресте висима узревшее мраком облагашеся, и земля страхом колебашеся, и раздирашеся церковная завеса: но се ныне вижу Тя, мене ради волею подъемша смерть. Како погребу Тя Боже мой, или какою плащаницею обвиню? коима ли руками прикоснуся нетленному Твоему телу? или кия песни воспую Твоему исходу Щедре, величаю страсти Твоя, песнословлю и погребение Твое со Воскресением, зовый: Господи слава Тебе.

уста их, внегда глаголати: воскресе Господь.

Таже, Благо есть исповедатися Господеви

Трисвятое. И по Отче наш:

Тропари праздника, глас 2-й:

Благообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай мирови велию милость.

Слава: глас тойже.

Егда снизшел еси к смерти, животе безсмертный, тогда ад умертвил еси блистанием Божества. Егда же и умершния от преисподних воскресил еси, вся силы небесныя взываху: Жизнодавче Христе Боже наш, слава Тебе.

И ныне: глас тойже.

Мироносицам женам, при гробе представ ангел вопияше: мира мертвым суть прилична, Христос же истления явися чуждь. Но возопийте: воскресе Господь, подай мирови велию милость.

Таже ектения: Помилуй нас Боже:

Час 1. И отпуст.

В СРЕДУ 3-Й СЕДМИЦЫ ПО ПАСХЕ

НА ЛИТУРГИИ

Блаженна от канона праздника, песнь 5.

Ты первую одежду мою, юже ми истка, увы мне, сеятель греха, совлекл еси Спасе мой, облекся в мя.

Листвие смоковное спи мне грех мой, увы мне, не сохраншему, Спасе мой, пречистую заповедь Твою, змииным советом.

Уязвившуюся душу мою разбойническими помышленьми моими, представый иже от Марии, и елей возлив, исцели Христос.

У Креста предстоящи Пречистая Богородица, матерски взываше: оставил Мя еси едину, о Сыне Мой и Боже!

Слава: Тебе Богу и Отцу, и Сыну, и Духу поклоняюся, трем Ипостасем, и едино три верую, Существом едином.

И ныне, Богородичен: Тя безсеменным Рождеством родившую паче естества обновившаго естество, Христа единого Владыку воспеваем вернии.

По входе тропарь, глас 2-й:

Благообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай миру велию милость.

И тропарь, глас 2-й:

Егда снизшел еси к смерти, животе безсмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

И тропарь, глас 2-й:

Мироносицам женам, при гробе представ ангел вопияше: мира мертвым суть прилична, Христос же исления явися чуждь. Но возопийте: воскресе Господь, подай миру велию милость.

И храма святого: И тропарь святого, аще есть. Аще ли будет и другого святого тропарь, то рцы его: таже кондак храма. **Слава:** святого. Аще ли будет и другого святого кондак, такожде рцы его.

И ныне: таже кондак праздника, глас 2-й:

Радоватися мироносицам повелел еси, плач праматере Евы утолил еси Воскресением Твоим Христе Боже, апостолом же Твоим проповедати повелел еси: Спас воскресе от гроба.

Прокимен Апостола: Крепость моя и пенне мое Господь, * и бысть мне во спасение.

Стих: Наказуя наказа мя Господь, смерти же не предаде мя.

Апостол Деяний, зачало 19. [Деян. 8, 18 – 25.]

Во дни оны, Симон, видево яко возложением рук апостольских дается Дух Святой, принесе им сребро, глаголя: дадите и мне власть сию, да, на негоже аще положу руке, примет Духа Святаго. Петр же рече к нему: сребро твое с тобою да будет в погибель, яко дар Божий нещевал еси сребром стяжати: несть ти части ни жребия в словеси сем, ибо сердце твое несть право пред Богом: Покайся убо о злобе твоей сей и молися Богу, аще убо отпустится ти помышление сердца твоего: В желчи бо горести и союзе неправды зрю тя суща. Отвещав же Симон рече: помолитесь вы о мне ко Господу, яко да ничтоже сих найдет на мя, яже рекосте. Они же убо, засвидетельствовавшие и глаголавше слово Господне, возвратишася во Иерусалим и многим весем Самарийским благовестиша.

Аллилуиа: Услышит тя Господь в день печали, защитит тя Имя Бога Иаковля.

Стих: Господи спаси царя, и услыши ны, воньже аще день призовем Тя.

Евангелие Иоанна, зачало 21. [Ин. 6, 35 – 39.]

Рече Господь ко пришедшим к Нему иудеом: аз есмь хлеб животный: грядый ко Мне не имать взалкаться, и веруяй в Мя не имать вжаждатися никогдаже. Но рех вам, яко и видесте Мя, и не веруете. Все, еже дает Мне Отец, ко Мне приидет, и грядущаго ко Мне не изжену вон: яко снидох с небесе, не да творю волю Мою, но волю пославшаго Мя Отца. Се же есть воля пославшаго Мя Отца, да все, еже даде Ми, не погублю от Него, но воскрешу е в последний день.

Вместо же Достойно, поем:

Ирмос: Ангел вопияше Благодатней: Чистая Дево радуйся, и паки реку, радуйся: Твой Сын воскрес тридневен от гроба, и мертвыя воздвигнувый: людие веселитесь. Светися, светися, новый Иерусалиме: слава бо Господня на тебе возсия, ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Причастный: Хвалите Господа с Небес, хвалите Его в Вышних.
Аллилуиа, [трижды]